

欽定中樞政考

欽定中樞政考目錄卷之十八

綠營

漕運

僉派旗丁

僉保旗丁

貢監武生一體僉運

正丁不親押運

押運等官捏具甘結

捏報兌完開行

金匱要略卷之九
控告奪運

賸削軍旗

勒索縱丁

尖丁苛派

兵役勒索短絳

查禁漕糧弁丁滋事舞弊

旗丁水手生事擾害

查拏棍徒鈎串水手滋事

嚴禁徵收折色私索免費

催漕弁兵需索

江西河道漕船經由插柳標記深淺

糧船漂沒

糧船淺攔

觸漏漕船

漕船失火

重運漕船風火事故專案報部

修造漕船

雇募船隻

私行雇募船隻

私借減船

私調水次

糧船抵次事故

關纜人夫責令閩官專管並嚴禁幫丁多帶
土宜

糧船路費亦植限制

裝載貨

漕船起卸貨物委員稽查

禁止行圖買賣牲畜

停止行演步團

浙江乍浦水師營捕盜兵丁舵工議敘

僉派旗丁

一各省僉派旗丁江以南之江蘇安徽浙江等
省交總漕僉派江西湖北湖南及江以北之
山東直隸等省交各該督撫僉派以專責成
如州縣衛所以疲丁報爲殷實以致僉督責
當及道府徇隱故縱情弊責成專管之總漕
督撫嚴密稽察從重究辦其專歸總漕管理
之省分仍准各省督撫查叅督撫管理之省
分仍准總漕查叅

僉領旗丁

一旗丁須僉家道殷實之人著落千總守備承
僉之具保結呈報衛守備等官提驗如其印
結以奉文僉派之日起限兩個月僉無詳
報道府查驗後發幫管運並將該丁原籍房
產查造細冊呈送總漕及本管督撫衙門存
案以備設有虧欠卽可變產賠完如達限兩
個月僉解不到將承僉之千總守備按其有
無以酒分別議處若僉解雖未逾限而僉派

之丁或於管運後中途脫逃或已革之丁重
僉復入及清查軍丁產業未實以致貧乏之

丁到幫誤公滋事者將承僉及清查之千總

守備均照徇情例議處

例載處分則
例漕運門

僅有故

縱殷富軍丁竄入民籍並將田產代爲隱匿

脫漏者一經發覺將營所官弁參奏革職發

往新疆効力贖罪永不敘用失察之糧道知

府交吏部議處其營謀脫漏之本丁發往黑

龍江給與兵丁爲奴該丁之弟兄子孫仍編

籍分派辦運

貢監武生一體僉運

一僉丁除文生員專攻舉業者准其優免外其
捐納之俊秀貢監及武生一體僉運如武生
遇歲試之年呈明學政運回補考

正丁不親押運

一旗丁不親身押運將失於查出之承派運丁

衛守備及徇私不報之領運守備千總並明

知不行申報之隨幫武舉各照例議處

例載處分

則例漕

運門

一旗丁潛逃運弁卽行報衛移縣該縣衛以文

到之日起限百日內拏獲免議如逾限不獲

將承緝專管衛所官照例議處

例載處分則例漕運門

其協緝之州縣及原係州縣承僉者咨送吏

部殿議

押運等官捏具甘結

一漕糧到淮遇有短少該漕運總督卽審明題
叅米石留旗丁兄弟子姪一人交與監兌官
購買起幫兌交押運官并領運千總出具並
無短少甘結呈報如領運千總捏具甘結者

照例議處

例載處分別
例漕運門

行

未經兌完程報兌完漕船未經開行程
開行者均照例議處

例載處分則
例漕運門

控告奪運

一衛官控告運官侵欠糧石希圖奪運遲誤漕

糧者將控告之官議處

例載處分則
例漕運門

嚴削軍旗

一運官領運漕糧嚴削軍旗或將應給錢糧侵
扣不發或將月糧修船等銀自行領出收貯
勒措不發剝索不遂酷打運丁者俱參革審
擬

勒索縱丁

一運官抗不赴兌次及赴次恣意勒索尖丁毆打糧官并縱容旗丁在兌爭索斛面酒席喫辱官長沿途阻壓行船毆辱官員斃民命俱叅革究擬其隨幫官領押回空停治數里不服催趲縱容旗丁毆打官兵亦一體叅革治罪

尖丁苛派

一頭船尖丁苛派各船銀兩運弁串通分賄者

題察審擬計賊以枉法論知情縱容者

議處失於覺察者照失察在官人役犯贓例

議處

例載處分別
例營私門

兵役勒添短絛

一糧船提溜打鬧兵役夫頭勒添短絛多索者
價從中取利該管地方武職自行查出懲究
者免議如失於覺察或扶同徇隱以及丁舵
人等僱覓短絛不照定價給發以致滋事銀
運官失於查出均各照例議處例載處分則
例漕運門
若該管各官自行覺察查拏者均免議

一無賴棍徒率領短絛多索價值與丁舵水手
人等聚毆成傷該地方武職失於查拏者

金匱要略卷之九十一

例議處

例載處分則
例漕運門

自行查拏者免議

查禁漕糧弁丁滋事舞弊

嘉慶二十四年十二月內奉

諭成寧奏議覆前任御史費丙章條陳漕務積弊各款漕運事務繁重惟在該漕督實心整頓剔弊弊除如令省幫船水手繕夫恃衆滋事漕委員弁需索開賣地方吏胥朋比分肥及丁舵人等盜賣米石等事該漕督安能一一口覩惟在嚴飭各糧道運弁等實力查禁有犯必懲自能漸戢刁風其各州縣交兌漕糧執斛執槩向有舊章著仍循其舊毋庸另議更張

至各幫所派總運丞俸原以稽察通幫事宜必須遴
委賢員方足以資約束嗣後著秉公派委如有怠玩
職守以致弁丁人等滋事舞弊者查明一併叅處以
專責成該漕督卽將議定章程飭屬實力奉行勿得
視爲具文有空言而無實效也欽此

旗丁水手生事擾害

一糧船開兌出境之後責成沿途該汛各官嚴行催趲防範到津以後責成天津總兵通州副將稽察防範如沿途旗丁水手生事擾害沿途該汛專兼各官失於查拏及已抵天津通州該總兵副將失於查拏各照例議處

例載

處分別例

若一經事犯該汛員弁卽行查拏

申報者概免議處

查拏棍徒鈎串水手滋事

嘉慶五年二月內奉

旨兩端保奏漕船經過地方向有無賴棍徒鈎串水手
切加身工銀兩甚至打船滋事請嚴飭地方官查辦
漕船棍徒鈎串漕船水手沿途滋事皆緣漕船經過
文武地方官因循姑息兵役廢弛卽有滋事之案
復任意彌縫化大爲小以致肆無忌憚現當漕務
肅清之際不可不嚴行稽查著沿途文武地方官於
漕船經過時多派兵役認真查拏務令棍徒知所畏

懼豫爲斂跡僅此後仍行疎縱致棍徒水手再有鈞
通滋事之處著漕運總督卽將該處文武地方官嚴
叅治罪决不寬貸欽此

嚴禁徵收折色私索兌費

嘉慶二十二年七月內奉

上諭御史蔣詩奏請嚴禁州縣徵收折色運弁需索
費一摺漕糧爲天庾正供原應徵收純潔米石如
兌運若徵漕時先收折色兌運不敷輒於水次購
完交或串通弁丁給與兌費於抵通前盜買回漕
雜輪總日久必致京通倉貯紅朽相因不可不嚴行
查禁以杜其源著通諭有漕省分各督撫嚴飭所屬
州縣於收漕時務令徵收乾潔好米如數交兌毋許

私收折色並嚴禁弁丁等通同舞弊私索免費如有
前項弊端該督撫及漕運總督據實嚴叅重懲以肅
漕政而重倉儲欽此

催漕弁兵需索

一糧船所過地方如有兵丁需索旗丁銀錢者將該管千總把總照失察在官人役犯贓例議處若係員弁需索銀錢者將本員計贓以枉法論失察之該管兼統各官分別議處如收受土宜禮物係職官議處係兵丁笞四十若弁兵需索旗丁或旗丁行賄運官失於查察者照例議處

例載處分則

例漕運門 知情故縱者照

以財行求律與旗丁一體治罪

江西河道漕船經山插柳標記深淺

一江西漕船開行時巡撫及糧道派委員帶領兵役於潁水十八灘以下至鄱陽湖河中溜兩旁分頭插柳標記深淺倘船隻經由有走出標外以致淺擱者除運丁究處外將領運之弁照漕船失風例議處

例載處分則
例漕運門

糧船漂沒

一糧船在大江黃河洞庭洪澤等湖遭風漂沒
勘實具題准其豁免領運及地方官均免其
處分如重運糧船在內河失風及有沉漏情
事其失風船隻係未滿十運之船果能屏救
修固抵運糧無虧折或船滿十運已屆修造
之期雖不能屏救祇將漕糧買補全完者領
運官免其議處沿途催趲官亦免其處分如
船雖滿運而米有虧折未經買補全完及未

滿十運之船不能辱救米有虧折雖買補全完仍將失於防範之領運官按其失風隻數分別議處如在開河失風並回空船隻在開河內河失風及有冰凌擦漏沉溺各照例議處毋庸統計隻數地方官失於防範毋論重運回空照例議處亦毋庸統計隻數若盛夏之時實因雨水驟發衝壞船隻者由漕運總督查明請旨御史查驗實在情形奏明分別議處

開河內河失風捏報大江黃河將領運

地方官俱照例議處

例載處分則
例漕運門

如船已滿

號本丁自備雇募民船遇有風火事故聽其
換船裝運糧米交納無虧失防領運地方各
官俱免其議處

漂沒船糧著沿途催趲各官及汛地文武官
員親臨確勘是實各出保結取具運官結狀
該總督巡撫確查具題到日照例豁免如運
糧官丁將未經漂沒船糧謊報漂沒並故將
船放失漂流及雖係漂流損失無多乘機侵

盜者照例治罪米石照數賠補其沿途催趨

各官及汛地文武各官不親臨確勘的實遽

出保結者照例議處

例載處分則
例漕運門

如總督巡

撫不嚴查確實遽行題豁後致詐冒事露將

具題之總督巡撫交吏部議處

船淺擱

一 覆船如遇淺擱事故領運官遺漏申報者照

例議處

例載處分則
例漕運門

觸漏漕船

一凡重運經臨合管河各廳汛於河道兩旁詳加察勘如有倒卸堤岸存留舊椿并插入樹根未經挖創者卽時起除河道總督等不時委員查察據實申報其有因河底石塊舊椿及柳根等項觸漏沉溺者領運官免其失防處分將專管河務文武各員并兼管河務之地方官及查報失實之委員均照例分別議

處

例載處分則
例河工門

漕船失火

領運官員巡察不謹以致失火燒燬漕船虧損米石或漕船雖燒而能搶獲米石並未虧折到通交納全完者照例分別議處其米石船隻著落領運弁丁照例賠補至地方武職撲救不力延燒別船者按隻議處

例載處分則例漕運

重運漕船風火事故專案報部

一 衛所員弁押運漕糧中途如有失風失火事故由漕運總督一面將失事船隻數目咨報戶部查覈辦理一面將失防職名咨送兵部分別議處仍於每年年終將一年之內失風失火船隻數目彙總造冊報部查覈儻該運弁將應議職名並不隨時詳報致逾定限卽照開報本身職名遲延覈計違限月日分別

議處

例載處分則
例限期門

修造漕船

一 漕船出運十年滿限該衛守備先期請價成造儻有遲延致誤冬兌冬間或捏報成造或釘稀板薄造不合式以及奉委成造漕船推諉不行監造並朽爛船隻不估價申報者各照例議處

例載處分則
例漕運門

一 各省成造漕船先行咨部每船額給料價銀兩俱令糧道親身如數給發取具各弁丁並無需索剋減印甘各結送部儻有侵扣等弊

總漕查明題叅將捏具甘結之員議處

例載處分

則例漕糧道交吏部查議

一漕船未滿年限遽請成造及尚未朽爛之船

謊報朽爛或朽爛之船估報不實或將已屆

滿限之船留於水次另雇民船出運者將衛

所官照例議處

例載處分則
何漕造門

雇募船隻

一失風事故漕船除山東省自備船隻照舊雇募濟運外其餘各省漕船運至五六年或未至五六年而有風火事故者均責令旗丁賠造如賠造不及准其暫雇民船兌運一次緩至次年賠造儻遇新漕已屆賠造不及准其暫行灑帶於回次時賠造運至七八年而有事故者責令買補如買補船隻至九運而復有事故并軍船九運而有事故以及朽腐者

均令雇募寬大民船一次以足十運如七八
運而無故朽腐者亦責令賠造十運限滿准
其給價配造總漕每年將應行雇募買補船
隻咨部查覈儻有將賠造補運之船接算原
船出廠年分次第而減存年分不行扣除混
行詳請者將衛所官照例議處

例載處分則
例漕運門

募船隻

出運遇有風火事故如賠造不及率其
呈明暫行雇募儻領運官並不呈明私行雇
募或應買補而私行雇募及應賠造而私行
買補應雇募而私行灑帶搭運者各照例分
別議處

例載處分則
例漕運門

一山東省自備民船及各省漕船因風火事故
雇募者俱按時價給發明雇裝運不得濫行
強拏苦累百姓若漕船應行出運無故私自

雁夢者將領運員亦照例議處

例載處分則
例漕運門

本館減船

一私借減款船隻裝運漕糧者領運守備千總及該管守備千總失於覺察均照例議處

處分則例
漕運門

載

漕運水次

一 漕船免運水次已經題明復混行私調者領

運官照例議處

例載處分則
例漕運門

糧船抵次事故

一糧船回空到次遇有風火事故將隨幫武舉職名開參如已交代新運千總呈報接收將新運千總職名開參若減存在次將收管之該地方官職名開參分別失風失火議處載例

處分則例

漕運門 若係文職交吏部查議

關纜人夫責給開官專管並嚴禁幫丁多帶

土宜

嘉慶二十二年九月內奉

上諭御史盧浙奏敬陳漕河事宜一摺江南山東運河

一帶同塌重疊漕艘經行凡提溜打閘不能不添雇

夫但散而無紀向來開官漕委互相爭競以致無

所責成開官係地方實缺人員該處水勢人情皆所

素悉所有該開關纜人夫自應責令開官專管其漕

委員弁多一人卽添一人需索之費一概不許干預

如開官有浮設關纜多索夫價者查出照例嚴參至該御史所稱幫丁應帶土宜無分貧富照數均裝一節此則事屬難行幫丁應帶土宜到關免稅本有定額原不准例外多裝其有裝不足額者亦祇可各聽其便豈能官爲勻派惟在該管糧道及經過各關實力稽查各幫船應帶土宜如數在一百五十石以內者照例放行其有逾額多帶者查明嚴行懲辦則貨有定額而漏稅滯運之弊不禁自除矣欽此

糧船跨帶木植限制

嘉慶二十四年十二月內奉

諭廣惠奏糧船跨帶木植請定限制一摺江廣重運糧船向例准帶天篷木植不得高過二尺自嘉慶十八年經湖南巡撫奏准船身兩旁均准跨帶木植未經議有定額以致各幫運丁逐年增多較從前多至五六倍統計江廣三省糧船跨木不下六七十萬根之多既滋夾帶漏稅之弊且於漕行有礙該監督請明定章程惟所稱每船不得過二百根木植之大小

巨細本屬不齊仍易弊混嗣後江廣出運糧船跨帶木植著卽照天篷竹木之例寬不得過二尺以示限制各該運弁於未開行之前先行查禁到關時該監督隨時查驗如有違例多帶者分別叅懲以杜隱漏

欽此

裝載私貨

一領運官員攬帶客貨私載已貨及失察運丁
於應載土宜定額之外私攬客貨私載已貨
者照例分別議處

例載處分別
例漕運門

漕船起剥貨物委員稽查

一漕船北上江廣各幫過淮時由漕運總督實力查驗山東河南等幫由各該巡撫轉飭該糧道一體查驗除應帶土宜額數之外毋許絲毫私帶貨物違者治罪至漕船抵揚村後如遇河水淺阻先將應帶土宜貨物儘數起剥如尚阻滯再行酌量起剥糧石并責令直隸總督遴委明幹同知一員於揚村會同總漕所派守備千總及運員幫員等嚴密稽查

照例將貨物盡行起剥不許絲毫存匿至漕糧抵通後交倉場侍郎查察儻仍有貨物在船卽行究明將旗丁分別治罪委查之員照失察裝載私貨例議處

例載處分則
漕運門

糧船私帶銃礮鳥鎗

一糧船重運押空千總各准帶鳥鎗一桿仍令
漕運總督衙門編列字號毋許私行多帶如
有失察旗丁私帶鳥鎗及私帶銃礮者分別
議處

例載處分別
例軍器門

自行查出破案究辦者免

議

嚴察漕船夾帶私鹽及私梟

嘉慶二十二年九月內奉

諭御史盛惇大奏請杜鹽漕積弊一摺漕船夾帶私
鹽人私梟充斥皆應實力查禁該御史所奏漕船
私梟徒與販皆由於場竈之透漏不遏其源則其弊
不能盡除著該督撫及漕督鹽政等各飭所屬一體
嚴行查禁有犯必懲如有夾帶典販等事究明私鹽
來歷一併嚴拏懲辦並將該管及失察出境入境員
弁照例叅處勿稍徇縱欽此

糧船夾帶私鹽

一糧船夾帶私鹽失察之押運官及隨幫武舉均照例議處如倚恃糧船任意販載私鹽不服盤查押運官及隨幫武舉各照例分別議處責革例載處分則至回空糧船如領運之弁交糧後除例應引

見及委辦公事不能趕幫者遇有夾帶私鹽事故准其免叅其託故逗遛無論是否在幫仍應與隨幫武舉一體叅處如能於該管幫船一年

之內並無私鹽事故者各該總督俟幫船回
次查明造冊二分一送戶部一送漕運總督
漕運總督彙報戶部覈明移咨兵部議敘運
官紀錄一次隨幫武舉於補官日紀錄一次
至回空三次並無私鹽事故者該管上司出
具印結將該隨幫武舉咨部以備千總推用
一糧船經過天津阿城淮安儀徵等處產鹽之
鄉每船止許向官鋪售買食鹽四十斤如丁
船人等多行夾帶過定數之外產鹽地方之

沿途員弁不實力稽查別經發覺照例議

處

創載處分則
例緝私門

漕船夾帶硝磺

一 回空漕船過境如有旗丁夾帶硝磺在於該地方私賣沿河武職失於查拏及各省出有硝磺地方糧船入境旗丁私行購買裝載上船偷販出境地方武職失於搜查者專管兼轄及領運官隨幫武舉各照例分別議處

處分則例

緝私門

失察回空糧船多帶錢文

一糧船回空由通至津每船限定帶錢三串倘該船內家口較多者准其零星易換使用責令押空千總逐船查察并令張灣通判務關同知楊村通判管轄防範天津總兵於過關查驗私鹽之時一併稽察步軍統領倉場各衙門巡漕御史等不時訪察儘該船於定數之外有多帶錢文將運弁照例議處

例載處分則例

緝私門 同知通判交吏部議處

漕船窩逃

一重運并同空糧船責成各該押運官弁及隨幫武舉將運丁舵水人數填寫印冊時加稽察若有窩隱逃人者將失於查解之領運千總及隨幫武舉照例議處

例載處分則如同例緝逃門

空糧船窩隱逃人其領運千總尚在交糧水經上船者免其議處

水手犯竊盜命案

一糧船水手打死人命及水手爲盜水手行竊

領運武職失於查察各照例議處

例載處分則例漕運

門

衛所命盜等案

一經理民事之衛弁其屯丁居住州縣地方犯有命盜等案該州縣一面移會衛所一面嚴行緝拿無獲該總督巡撫題奏疎防將承緝州縣官與衛所官弁一併列劄照例議處如衛所官弁因州縣既有責成徇庇屯丁故意推諉者許承審官揭報該總督巡撫題參照徇庇例議處
例載處分則 其不經理民事專管漕運者遇有命盜等案責令該州縣

提拏究審疎防承緝止將該管州縣叅處管
運衛弁免其開叅至於出運之丁如有事犯
卽著落領運該幫守備千總拏解有司按律
究治若疎縱脫逃併遲延不解者該總督巡
撫查明題叅按該丁所犯之輕重照例分別

處